



石倉十代詩選 三集卷四十四

彭衙集

大明

白水王良 謔著
後學曹學佺 閱

秋日池上覽物

天時不得淹生物何能待清池發紅蓮曲欄拂
紫艾向日轉榮華隨風亦掩藹涼秋俄不歸霜
露淨羣籟疇念芬芳姿根株已狼狽餘香散女
衣輕枝委鴛蓋獨無車騎過罷茲盃酒會昔為
人所憐今為人所哂柯葉貫四時不如松與檜

匪覩庶類殊安知造物大人物良同然放心究
無外

鄉思

落日土燕臺鄉愁不可度年華屢變遷淚眼當
迴顧天溢江漢流雲生關塞樹徒憑尺紙書不
辨長安路濁世安得諧浮名已外慕勞如壁上
蝸薄似草頭露憤惋董京詩悽悲王粲賦紅顏
未及朝白髮已云暮百歲乏安恬一身常旅寓
時時朋好篤往往笑言聚留日欲揮戈獨行思

健步滯此欄檻間惘愁不克赴傾巢無集禽三
窟有全兔南北共悲岐青黃孰泣素人皆没于
名不向名中寤我行久不歸衆美爭折妬無以
抒此情思見東皇訴

秋日禁中

秋日早涼生遲回看禁樹城高淨遠煙松老流
懸乳往往暮宮愁紛紛爭鳥聚吾生仰聖懷
緬此欽王度樓閣壯神京雲霄渺天路徒彈王貢
冠不上鄒枚賦遭際有明時蕭條憐賈傳昂藏

臂上鷹伏偃草中
兔日月自迅馳
形容不可鑄
徒懸北極心
歸採南山芋
養道學神仙
還年反嬰孺
聊且忘冠裳
應期畢婚娶
長揖謝平子
蓬萊何處遇

傷別曲送青門大兄還陝

朝別喜在眼
暮歸心悠悠
朝朝復暮暮
朝暮成長愁
漢雲疾歸鳥
江湖速行舟
歸鳥無返顧
行舟無停流
相思何終極
寒月明塞樓
一上塞樓望
雲煙失胡丘
霜林落悄悄
胡雁鳴啾啾
聞此益悲淚
來不可收
行人已千里
念別經三秋
書字寄胡雁
好過西海頭

田父吟

油油歌麥秀
芄芄嘆黍離
荷鋤臨獨夕
待月不知疲
過客問農事
停車前致之
今年殊可望
往歲不如茲
但恐輸官稅
稅足人復飢
但恐點夫役
役多力不支
鄉人轉離徙
空老無還期
豈知尚我在
念昔雙淚垂
養孫徒有子
漚麻徒有池
希無逸逸志
生土戀難移
爲君竟此曲
此曲皆

苦詞飲我一杯酒使君心勿悲

卽事

撫景素多慨聞哭况易悲失路從今日含酸忽
在茲霾雲聿翳景客鳥乏安枝雙鬢短垂領一
朝變若絲有懷在朋舊懸望長渴飢千里屬來
駕百壺從倒卮匆匆若在眼忽忽復臨池池水
如清鏡人心難與窺

寄別胡承之

旅次無曠情愁心生華髮別朝忽改移會日何

飄忽顧我滯山川懷君在城闕秋孤紫塞雲夜
散青天月賦雲雲叟歸望月月還沒一室坐空
窺千里歛如越心神獨渺然魂夢何曾歇並馬
朝珂鳴携手承明謁曉起步林園滿日紅英發
他鄉難久留歸采南山蕨

濟寧公署卽事

喜物懷遠客况當薰風朝層檻倚琪樹殘枝明
翠翹浮雲散清晝疎雨轉瓊霄洗洗塵何淨悠
悠香更飄娛心良不乏尊酒足相招天地妬良

會須知取樂饒

夜行

夜行如在晝殘月青林光雲氣生深澗露華泛
蚤涼白沙鬱浩浩翠壁凝蒼蒼寂歷松柏徑經
過花草香雞聲互村落曙色動柴桑卽事况多
感離心含永傷

寒夜思歸

秋夜宿山城涼風吹古月空槐落子稀暮雨幽
庭歇魂夢俄歸來關河忽飛越擁被坐天明愁

心應未絕

汶上泛舟

山雨彌晦朔洪流奔巨川我來當此日舟濟喜
晴天渡口淨芳樹人家生野煙孤城隱雉堞豐
壤帶郊廛行潦及時降陰林或鬱然遙聽疊鼓
發縱目雙旌懸廩祿身徒竊閭閻風未宣古人
貴達節負弩奚稱賢

汶上公署

百歲爲浮名一身恒旅寓鴉歸野樹昏角散城

雲暮殘壁竄秋蛩空階滴夜雨愁心似繭絲短
髮變玄素

其二

在家不復愁爲客還多事一夜宿山城三秋奔
計吏霜摧谷樹黃雨足籬花翠種秫向東臯亦
可長年醉

不寐

迢遞夜方永纏綿思更多別離不可道愁苦將
如何鴻雁感霜露連翩歷關河行人滯踪跡如

烏嬰樊羅顧此優游逝應持惆悵過珠簾疎月
幌檀板駐雲歌輕綃倚青竹涼飈吹白波寶琴
開錦席玳綬擁瑤戈歸去一身遠蒙茸雙鬢皤

寧陽司中感別

爲客不擬日人間驚杪秋山川倍搖落風雨寒
事幽白駒下霜影長河馳急流孤雲宿簷隙旅
雁鳴田疇畫角饒天起狂飈吹戍樓乾坤自漂
泊舉目傷遠遊貧如蘇季子空囊惟敝裘骯髒
雖負氣有酒不解憂蹇拙非世好觸忤多所尤

歲暮念往事榮辱俱白頭偃息閉深戶清嘯臨
丹丘

聞砧

殘月生海裔夜照秋山空兀坐對四壁蕭騷鳴
蟄蛩此時深閨婦念子遠從戎邊衣猶未寄寒
到心忡忡搗砧厲清響繚繞出簾櫳井梧林下
葉城樓角散風出門露似雨滿目注幽叢擁衾
動淹卧沈雲焉可窮剪刀傷歲暮西來聞塞鴻
子在嫖姚幕我憶東山東胡塵諒未滅一箇何

由同瓜期已綿邈貞素保微躬

育容哀從軍盡首卦芒辭林月登幽賞游風開

夫婦昔同衾恩深兩無極一別出從軍到老不
相識年年盼鴻雁去去何消息棄妾青門居憔悴
黯顏色林成草樹荒人去風煙夕狐兔亂縱橫
何處畱行跡幽獨望經時彷彿來魂魄空有酒
盈樽誰令苔如積閉門孤鳥鳴秋動寒泉脉
哀歌詠自歸暮對重巖碧

山嶽小山晚眺

山縣民風淳官居白日靜茅屋俯喬林歸雲亂
峰影衆壑集寒森陰晴變俄頃獨坐守琴尊心
清嘯歌永霜露不出門歲時當暮景坎壈自浮
生爲歡難屢逞老至安得淹素髮垂襟領世途
何巖巖操履從所秉泊晚望沈吟明月陟東嶺
鼓角秋轉悲煩憂發深警
有客素情好過我持芳樽秋月鑿幽賞緒風開
夕園殷勤申款曲歌笑屢飛翻叨厠衣冠會喜

聞隴畝言醉來不覺晚相送出柴門

其二

青天極眺望白日陰無光抱杖理花塢聞君過
草堂開樽共取醉不復留餘觴時物感徂歲澤
虫鳴四傍悽悽欲何道執手心自傷

在野感懷

北風何獵獵衰草亦萋萋居人不解憂行子當
路啼別家四五月奔走東與西王事自鞅掌身
若觸藩羝歲寒逼霜雪世路多雲泥平生保貞

素得道恒不迷金石豈易糅膠漆豈易睽匏瓜
本一物丘也獨棲棲吉凶如糾墨覆轍無噬臍

冬夜書懷

方冬夜始寒獨宿閉風戶爐燼續焚香輕煙清
自吐霜露日嚴凝山城誤更鼓林葉下蕭蕭側
耳驚集羽殘月動郊墟疎星落似雨獨吟却攬
衣念世心橫弩羈栖身未安天涯苦歲暮身世
况多虞掩面纓簪組山海恢高深滄埃無所補
蹠躩走荆綦輕身薄狼虎伏枕耿心魂經時仍

栗股數載尚奔波全家寄齊魯願頰仰微糊遠
處別鄉土侏儒還自饒伶俜悼今古

草冬日閒居雜興

辭親遊塞北薄官此山東拜舞疎朝謁巡行閱
民風徒有葶葭譽愧無金石功不拘寧阮放自
誕豈殷空寂莫逢秋日扶搖悲轉蓬

林葉三風林出

北風吹朔雲倏忽去萬里萬里在他方下有客
遊子朝暮望親居伊誰供菽水鴻雁顧關河風

塵迷戰壘白日倚山城愁角繞天起

三

枯葉下風林沈沈廣庭晏衆鳥還故棲浮陰相
與散霜清野水明天遠連山斷愁魂黯自銷猿
嘯驚還亂獨坐閉蓬茅淹留節序換

四

芳草競春節盛年慕榮華衰老旦暮至空此長
歎嗟籜林尚返本遊子安無家颯颯朔風緊悠
悠夕日斜撫心念往事扼腕淚如麻

五

白髮不待老種種與愁期人生不滿百誰有松
柏姿憂患若糾纏歲月紛爭馳彭篋視身沒何
異提抱時念茲倏驚骨取樂休令遲

六

日月不照愁天地不哀死豈特造化乖杳冥存
至理昔聞商山翁採芝餐石髓能成羽翼功身
名兩無滓末世重浮華泯沒如虫蟻

七

歷代詩選 卷之九 明三 卷之九
方朔本仙隱避世金馬門詼諧寓忠諫豈知天子尊漢廷願多士一時蒙殊恩博極少窺測歎息十洲言茲事雖茫昧昭然汗簡存

春花雖可玩風雨難久妍遊冶長安子歌酒樂芳年但恐白日晚詎惜黃金錢寒士飯藜藿出門雙履穿文籍空滿腹輕薄曾見憐

白雲九

愁樂有悲聲暮年無妍景風色坐傷冬空簷落

日影山城夕氣佳煩囂頓如併別思客同迷心
玄道獨領脉脉却忘言閉門夜方永

古人重交道簡策有餘芬叔世變情素棄之若
浮雲勢利一朝至契誼或未聞所以孝標論申
論良殷勤劬哉敦宿好所學不在文

黃虞世云邁戎馬生郊墟鋒鏑日征戰天民肉
已魚有道不救世多在山澤居獨習太古禮疎

簡寧籛條時時閉草閣營營惟著書

冬日

冬日委芳樹霏煙結層巒啾唧栖宿鳥無偶良
獨難客居既寡合有酒誰與歡蕙帳風颯杳蘿
幃夕漫漫撫已無曠度壁鏗淒已殘

其二

昏明良有度清賞眷芳夕之子曠無因江湖遠
爲客徂歲滯音塵欲飛乏健翮懷欵意多艱執
手暢疇昔庭廣莫沈吟一念一愁積

冬日述志

纘藉富窮經升光在崇德管榻坐方窳西河名
早識雲漢奄追躋圖南上風力浩蕩謬應霜清
切屆斯職鳴玉趨瑣闈握符別皇國羈栖睜南
榮疎慵慚旅食超列覩時髦盤桓戒逼仄靖海
暴鯢鯨夷途剪荆棘屬庸尚未收顧命譱難塞
歲暮蹇山城遙天動寒色感慨忽微吟霜郊暫
伏軾本擬事捐軀耿耿何由息世難突猶殷掩
面空傷臆卽席展芳樽營歡情復默衛道日忘

勞紛紜覲孔墨與企臭遺芬輾轉將焉極舛錯
詎初終嘉言表真則蹈乾永自持老至庶無忒

暮雨獨坐

夕雲起山澤廣陌鬱幽沈北風吹雨雪寂樹無
歡禽天涯莽寥落行子斷歸心却往盛年邁潛
來愁思侵擬騷重悼楚渺渺傷孤吟高樓厲清
角虧景蔽蒼岑輕舉積淵抱揭懷伸素襟寒冬
芳意歇爐焰澄香陰還憶故園夜携酒仍抱琴

獨卧

獨卧轉病餘褰帷懼寒入林風鳥亂鳴山雨夜
來濕爐薰僻景沈曙啓簷光集飲澗學長生胡
爲在城邑

冬日早起卽事

林空茅屋疎鳥散山城曙微雨淨寒宵坐起澹
無慮栖遲人未歸崢嶸歲將暮生涯祗索居愧
賣長門賦

冬暮閒居觀物一首

柏梁旣蕪廢兔園無昔遊懷賢初去國薄暮傷

羈愁寒川歸夕鳥疊嶂引城樓北風黯雲日霜
葉委林丘居閒濃暇豫觀望聊淹留已茲感徂
謝况復憶行休賓顧展芳席歌排激名謳物華
詎若此遊者方自悠塵翳歲難盡名筌世久浮
勞勞俱溺喪昧昧逐漂流下陳隔受簡遠道仰
徽猷儲中富佳麗摘詞難爲酬

醉後獨坐

仲容有達節嵇生多曠度當世號清流談玄不
知誤阿戎可與遊孫登良不顧撫念感平生爾

道非儒素風俗孰使爲薄惡傷哉遇世議墨爲
明更端如旦暮天地難轉移冥數俱前預開眼
詎能分轡轡散煙霧

贈彭侍御先生

平生不事邊爲吏方知誤今逢使君來自歎陽
關路猶言去歲時銜書行不顧胡風塞草寒海
日雲沙暮烽火辨行塵軍聲動遙戍霜露滿回
征天高氣如沍猶懸桑梓情未獻平胡賦明歲
共春來蚤拜溫室樹

馬廣文回示青門見憶因留小酌

山城閉初夕寒露濕蒼林明霞獨不沒積水淨
沈沈空巢烏鵲噪廣野鵲鴿吟對茲憶天未閉
門來好音廣文吾鄉士遊宦忽至今昨飲歷下
酒因示青門心郡中雖抱疾堂上獨鳴琴顧我
仲宿好開筵暢遠襟歡歌聊取醉世路似浮陰
枯冬愁作別執手在登臨此夜君復去他時誰
見尋稍思葺荷袂苦未抽華簪寂莫東泉役朝
朝結翠岑

霜露凄苦寒殘月空城陌愁客自無聊閉門坐

遙夕乏歡尊委塵暗影銜搖壁起視夜方中孤

雁東南適星斗互低昂密雲鬱山澤水氣浩林
達帶月澄虛白可望不可見條條驚集翮延佇
歎離居懷人千里隔携手何由同紛結念如積

重陰既蒙密寒氣逾凄切羈旅苦無棕登高傷

暮節城空日早暝野曠雲初結芳樹委芬華翠

重陰既蒙密寒氣逾凄切羈旅苦無棕登高傷
暮節城空日早暝野曠雲初結芳樹委芬華翠

峰紛欲裂風色動長天歸鳥來應絕不見一佳
人同心懷遠別良夕在斯須清尊爲誰設歌笑
屢襟期旣事翻無說何所獨沈吟坐聽更漏咽
尚惜楊園蕪浮名顧溥劣可出同條誰念賦
或帶小亭會客歿梅不更見前前驚其臨或計
雪霽麗山亭寒梅動芳酌倏驚梅葉稀亂攪當
筵落爲君惜歲華安得終淹薄唾手輕千金散
心要一樂死者鬱如麻那能戀春爵不疑躍馬
郎堪笑揚州鶴長醉出風塵孤雲在寥廓栖遁

希仙遊形骸或可託肉食厭濃滋試摘殘梅嚼
不必鍊刀圭此亦長生樂

十六日郊行

山縣見春早風和日亦遲芳草忽滿野淡綠遙
參差澗水波跳躍雲山光陸離耒耜動農事婦
子餉東菑高林起谷鳥抱膝長川滑吟嘯偶忘
反不知心力疲四海罷征戰吾獨何所爲耕鑿
皆帝德擊壤逐羣兒以我枯朽質謬逢明盛時
偃息每休暢俯仰寧縮羈逍遙睇宇宙俟此百

歲期

春夜宴桑宗之宅敘別

春風偶相識為茲清夜歌聊復慰懷抱營歡焉
在多且當醉尊酒百歲長經過君作鸚鵡舞老
態猶婆娑空堂暗煙霧遠樹流星河執手未能
別僕馬鳴行珂青雲一萬里白首休蹉跎紛華
汨滿耳方寸獨不磨腰中視寶劍茫茫吹寒波
攬轡遠江臯栖栖此為客晴綠動川光梅際雪

春望

猶白谷鳥嘯芳晨歸雁連羣翮遲日路透迤輕
煙草紛積春賞無違心寧計久行役頗因悵望
情知與同懷隔轉盼生悲歡傷哉固今昔歲月
安得淹往者如遺跡試聽雍門琴生理殊可惜
萬物展自舒行休吾亦適濁醪且放歌坐對遙
山夕

訪宣聖中都講堂

中都故魯邑卜訪來春朝仲尼昔小試遺迹今
蕭條聖澤尚不泯父老猶歌謠當時講禮處管

歷代詩選 明王冕夫
領芻舉蕘絃歌宛在耳曳杖行迢迢山川餘世
變花鳥弄芳饒蒼苔碑篆剝紅塵瓦礫消百年
已茫昧過此焉可要撫荒謹封樹嘆息對漁樵
山入落梅歎

臘月梅花開正月梅花落霜雪結幽期春風反
情薄貞白送年華沈昏對林壑脉脉永無言悠
悠利紛錯盈盈適去今宛宛寧惟昨流水下回
溪荏苒傷漂泊月夢斷晴猿風魂驚曙雀歎息
此春英委棄同秋籜何處可銷憂雲天倚高閣

蘇東坡春巡發寧陽

獵獵霓旌捲春風吹南征辭家遠行役撼促安
得營歲月不遑紀前驅猶未平遙遙越廣陌渺
渺臨孤城孤城一何鬱浮雲滅復行倏忽踰萬
里傷此離別情去人日益遠春草日益生柳條
仍造次谷鳥來飛鳴豈不念老至齷齪惟浮名
報稱永懷切跼躅長若驚誰與扞方寸擊節撫

泰清

山寒

歷代詩選

明王冕夫

三集卷四四

七

五

山城眷登望雲水麗清朝懷人不可俟宴居還
自謠披衣坐茂竹暑醉風蕭蕭細泉流大壑黃
鵠摩玄霄糾紛塵不翳卑栖心竟超洞視凌萬
古迴首若可招九原摧松柏衣冠傷寂寥長安
遊宦子華蓋集炎敲晨鐘啓雙闕越陌馳鳴鑣
古人宜有死浮榮誰爲驕

小山獨眺

築石象東岱幽人愛深谷迺欲抱詩書終焉此
栖宿暇日豐豫遊俯視登崖屋陰條纏霧柯陽

葉散晴旭川廣馳洄流郊停突軒軸高深自吐
吞巽坎交延屬萬物散處殊鬱葱和氣淑雲縷
生衣裳鳥獸爲馭僕決背嶽色重聒耳水聲倏
浮煙藹頽墉落日斷平陸葛紵薄輕颺參差悅
秀樸一洗塵煩空華年卧幽獨

亭上屬目

官居乏佳况遇物展密心信美聊可俟重款斯
招尋已茲遂偃仰矧復狎躋臨爰守澹泊志慮
爲塵俗侵山川曠流峙魚鳥諧飛沈連肝距廣

野集葢薄高林晚氣霽丹壑浮雲冠翠岑芙蓉
炫曲沼蘭杜馥幽澗曝階數行藥橫席開鳴琴
儲精資用悉詮幾測理深雖寡西園宴鑒賞懷
妙音悵然激前烈歎息彌遠襟

泛湖

駕舟逗湖陰沿洄媚沙潑白日遲中流歎息不
能去約礫珠光浮跳躍旋淵紆長薄鬱芳洲沈
雲繚鷺渚山淙亂壑喧川鳥孤權舉啞啞黃頭
郎盈盈採菱女宛宛纖指舒停停嬌對語客心

徒未平見此忽酸楚去住各有因奈何終羈旅
拂衣卽長途山川復我阻何如樂今朝人生每
齟齬

述感

結髮遊燕都射策金門裏交友俱賢豪車馬相
填委九陌接通衢日暮行塵起詎期雲雨乖分
散從茲始自別文君壚徒感山陽邸謝節變星
霜馳暉顧金紫枯葉隨秋零寒花映日靡松柏
有貞姿深冬猶不死願保歲寒心與爾如連理

送呂大叅九川入京

東裝赴京邑凌旦發城闈駕輶臨廣陌驅馬問
通津餞客已雲至岐路各揚塵執手對尊酒行
爲千里人憫念不及送况此平生親浮雲去無
極白日忽已泯山川諒不改日月踰已新江漢
無淹波烏雀戀其羣子如握中璧不離君子身
我若負崑草顛顛歷冬春努力重相愛莫忘賤
與貧

贈別路太守

嗟此西逝景淒矣北風涼遊子中夜起拂衣候
朝光啓旦卽長路倏如飛鳥翔豈不念家室王
事猶未康展轉故鄉陌遙見開河陽市船何款
款流水何湯湯霜草豈復媚秋葉已委黃爲別
不在久撫心情內傷風林葉零露漙漙悲吟哀

又

故園生所戀離別起無因華鐙促夜絃竦轡出
城闈問子何所適行將謁紫宸岩嶢望北塞迢
遞俯秋旻四方輾車馬岐路塞埃塵歲律已云

歷代詩選 明王...
暮流颺漸不親嘉會寧可俟虛尊豈復陳快快
詎能訴咽咽傷徒頻

浮雲生廣漢白日忽已暝雙轉史原野客心不
遑寧寒節况當暮淒風枯葉零駕臬厲悲響虎
豹遊前庭中夜撫枕歎仰視三明星明星同在
天與子隔儀形日月互相踰載奔猶未停寤寐
不可道懷子傷性靈

秋日山行風物奇絕因懷平生此遊可謂

美觀用成一首

歸耕宿所諳沈澤願多戀出爲紱冕嬰頗覺塵
跡倦未緣齒髮疎兼恤歲時變已茲值涼秋心
目藹佳便地幽山翠重崑聒泉流濺紫蔓裊垂
蘿青籬護雜蒨蚪壑突雲生鶴松零露泫信步
逾週廻延奇劇宛轉石刺鈎行衣崖坪觸人面
入谷晝如冥登峰天始徧安得乘飛龍去之挽
流電能同句曲筵復濫瑤池宴身趨物豈齊性
豁世方遣未云張翰尊却慕交甫瑗悵悵遲來

車悠悠謝遊衍婚娶畢向期金骨須茲鍊

春日遊未央

携酒出北門花明見春早偶入未央遊歷歷生
青草漢祖昔風雲倏如振枯槁紫殿馳金根玉
階擁羽葆一旦歸山陵身後誰能保寂寞已千
年今日徒爲好流水剝荒城浮雲變長島朝坐
暮不歸輕寒襲曾縞黃鳥鳴間關聽之煩憂抱
何如樂芳年幽緬恣遐討不見古時人但見古
時道陵谷自高深悲矣南山老

送竹谷登未央一首

君懷曠古度撫劒生長風擊節在登覽母寧哭
路窮行歌還慷慨磊落自胸中散日出秦甸望
春臨漢宮漢宮久寂莫草碧林花紅落日有歸
鳥紆逵沈斷蓬淒涼眼前事達士笑英雄戎馬
乾坤并名塵宇宙空南山對荒時渭水下新豐
百二雖天府龍蛇世已終墟煙朝暮積無復往

時同

南望行

歷代詩選 卷之三 五
古有秦野何蒼莽週迴披豁淪豐壤禹功昔敘
水微平離亂安居就生養禽獸食人稱已無洪
流天日重開朗至今世變餘千年朝市爲墟陵
谷遷往事已無碑記在問之父老空茫然古柏
蒼枿不知代秃枝疎葉臨長川長川三四如經
絡祇有隄防少疏鑿遶岍青厓連暮山中天畫
拱來飛閣錦繡平鋪荷芰明郁紛遙散雲霞薄
白鷗沙際不歸來驚起漁翁雙寂莫漁翁挾子
立悠悠雪鯽雲鱗載滿舟土窄民貧官稅重生

民事迺如西疇兒女嗜魚如食粟人家賣地不
買牛今年水大生魚鼈去年水小長憂愁伊昔
南湖自誰始宋公開運卽有此山霖泛漲秋夏
強居民衝決無平坻南湖注水望汪洋當時蓄
洩尤良軌扼分南北似咽喉勢仰泉源亦唇齒
近日擁淤河漸高泥沙滾滾隨奔濤國運官
家獨可經萬民力役詎知勞愁見深淵龍蛇混
驚聞當路虎狼號偶來下拜尚書廟廟貌尊崇
天挺豪

悲歌行

憶昔咸陽年少日看花醉酒逐春風一朝仕宦
結佩綬飄颻萬里如飛蓬道傍車馬歷霜雪關
裏音書望塞鴻白粲何曾足八口黑頭好自取
三公南山有屋不歸去煙桂雲蘿迷舊處舞鶴
啼猿怨慕多蕭蕭蕙帳空秋曙紅泉清晝坐無
塵碧澗香芹飢可茹長嘯竄崑低暮暉駮螭早
使靈均馭不大生魚龍去平水小長風怒浪石

短歌行贈別

君醉長歌子潦倒青雲萬里飛騰早燕臺回首
憶長安此日相逢覺逾好便作鄉書寄雁鴻漫
懷猿鶴同雲島君有長才莫隱淪鶯花猶及故
園春南山結屋遠相待遲我來時秋月新

驟雨獨坐懷周少安

燕山久雨泥不分野樹朝煙復晴薰偶爾江湖
應變化翻然天地成氤氳震雷急電走白晝萬
壑千林生黑雲獨憶昔時關輔客一麾遙阻楚
江濱蒼黃髮鬢已如此飄泊音書那可聞驟雨

如何急似箭聚首分携堂上燕遙把一杯爲汝
酬古城碧草春應變却愁塵土污琴書定有蛛
絲滿筆硯昔去曾將惆悵過再來莫使心神倦
江城春酒少遲留我今延佇明光殿

雨後望禁中有感

久雨蕭條厭愁味獨倚高樓情所憩雉起層城
自鈎帶天畱複道如經緯撐霄碧殿鎖千門曉
日晴煙明萬卉白玉樓邊花草薰紫泥閣上風
雲氣儘有拜舞衣冠來可惜喧騰豺虎沸惆悵

燕山漫回首眼中不見流清渭

蒲扇子歌

蒲草叢生河中水夏日青青秋枯死
藝人採蒲當夏時應手覆編爲扇子
三伏多情碧簟寒滿堂對客清風起
錦裘躍馬爾何堪高樹鳴泉味如此
我今持爾不離身獨憂朴素全其真
談老何須白羽柄長風不污元規塵
况復區區野人意更欲陳詞獻紫宸

雨中感懷

歷代詩選 明王...
江海浮雲變白晝天昏地黑蛟龍鬪惡風力送
雨應來破屋疎茅似懸溜青草林中失駭鹿寒
崖谷口聞啼狖鮫人投杼此時鳴帝子雲門何
處奏邊城八月胡兒強戰士霑寒苦甲冑獨把
一杯嘯且歌親朋咫尺難相就

秋晚獨酌偶成

亭上看花獨立時美人沽酒來何遲笑歌一醉
日欲暝天地此身長別離塞國風塵轉徙倚郊
原荒草迷軍壘孤鴻亂叫暮山光萬里西風吹

易水

傷別曲送青門大兄還陝

燕山空翠嵐氣高易水陰森風怒號十月行人
愁遠別千林落葉覆平臯離家數載今不記渭
水終南在天際遺得田園種蒨薇閒開茅屋移
松桂松桂生成棲白鶴琴尊來往開清酌且須
回首望秦臺朝暮飛雲來鳳閣

胡沙行

胡地十月多悲風胡人騎馬入雲中茫茫碧草

三春隔浩浩黃沙萬里同落日尚看葱嶺外浮
雲初望玉門東慘目傷懷不可道遊魂歸路迷
晴灑誰家短笛遠相聞坐對白頭愁獨老鴻雁
飛鳴夜度河胡王射雁陰山鳥

胡馬行

邊塞蕭條八九月草白雲黃不可越胡兒萬騎
乘秋閒遙出雲中向城闕羽箭角弓滿控絃馬
渴一飲黃河竭胡王夜坐擁貂裘毳帳酪漿胡
俗謳漢軍相視不敢出元帥那解城中愁長驅

自恨古無此今日愧爾成封侯君不見李校尉
結束從軍無懦氣又不見霍嫖姚坐令萬里烽
煙消王者雖無戰其如胡憤驕獨倚關山吹夜
笛寒崖窮谷聲蕭蕭

黃花歌

黃花爛白露散亭上秋欲晏遊子行愁復坐歎
寒日照繁英勁風吹直榦願賞及葳蕤何忍見
離亂秋雨摧孤根枝葉竟伏竄流淚懷袖間持
此猶把翫歲暮翻驚白髮多賴爾真情爲相伴

久有君子操形容如傲岍未云松柏堅更歷風
霜畔坐看天外山瀉雁雲中斷

玉河水

玉河橋流恨水此水無已時人間恨不止歲歲
長週大路傍聲聲流出深宮裏深宮嬌女坐空
愁自向菱花翻妬美春日花開滿樹枝秋風吹
落難重起擬將歌舞奉君王棄置長門不復爾
萬物如人有盛衰徒傷顏色同桃李

山中晚行投宿蕭寺

深山落日黑如漆冷猿叫嘯虫啾唧遠客獨行
未有歸身爲木石愁差櫛猛虎殺人比殺豚奔
走風塵歲將畢萬壑空林天雨霜暗雲欲度秋
蕭瑟野寺鳴鐘僧閉門經臺夜飯魂如失桂老
於寒月半明山中木魅來人室少年讀書慕世
名宦遊恨却良非一寫書早寄與諸兄爲我結
茅臨太乙

宿三教寺有作

山高山深水聲聒孤林野寺秋寂莫玉兔霜毛

歷代詩選
永夜寒白露青天
下寥廓行樵避虎放歌還林
猿清嘯驚人落三年持節客
山東半世浮踪滿幽壑汗馬
文章我不輕畫形憶上麒麟閣
冠蓋明時遭際難白頭天地傷
漂泊與誰只為未識
公寒聞箴栗志感
先帝征伐動南北殺氣蒼茫原
野黑軍中奏樂軍器鳴大半胡
俗人不識我昔送駕往天津三
邊甲士愁無色此夕空堂坐轉
寒鳴泉涕淚霑胸臆出門仰視
河漢低殘月疎星霜露逼雁叫
泊歸何得

元日

今日元日定何處山城鐘鼓夜
將曙玉珮響珂憶早朝品字山
前立鵷鷺曉日遙分紫氣重春
風暗引天香度上公賜酒鬱金
濃朱衣下拜龍顏顧羣工跼踏
仰丹霄咫尺闕庭在煙霧雪島
晴消百子池雲閣寒薰萬年樹
噦噦鸞聲兩

歷代詩選
披門奉天仙樂迎韶濩撤蹕徐回近侍班長安
車馬填無數往年曾備漢郎官何知久別含香
署漂泊殊方逐轉蓬徒倚京華恨遲暮乾坤震
蕩苦遭逢身如枯木魂長驚不擬離騷怨屈平
獨憐潘岳閒居賦丈夫朱紫動明時匄伏可惜
邯鄲步凌虛撫劍叫天闔區區欲爲東皇訴

孤桐歌

鬱鬱孤桐強百尺礫砢磴砑兩厓側崑流瀑布
無冬春砰磕激射何曾息深蓄寒暄日月停震

雷烈電乾坤黑巨靈守之颯颯怒虎嘯龍吟人
叵測根株已有神明扶堅實獨飽風霜力薪者
憂視仍長吁蟻蚋不敢來剝蝕知爾本迺琴瑟
材薦于清廟和神德禮樂幽明括道機弛張亦
可經王國 朝廷刻意如求賢老殺嶧陽猶未
識委棄深山自有時抱苦十年無怨色吾今爲
爾傷胸臆杞梓荆楠容易得

學翁行

道傍老子雙鬢禿盡日長吟倚曲木被服不完

單且寒三旬九飯食無肉晝引春風湖上行暮
來却共林鳥宿問之音聲何慨慷雖遭飢餓寧
憂感楚辭在手如捧圭百過不疲猶在目可憐
憂道豈憂貧不忍天下皆空腹黃頭郎子有何
能太倉日費千百斛賣兒鬻女納官糧春麥秋
穀何曾熟地厚天高訴不聞低頭祇爲蒼生哭
河上老人行

去年水蚤百穀死今年水時百穀生穀死民食
獨何賴蛤蚧作糜魚作羹村家兒女厭魚肉得
米飆然見粟驚我年甲子六十一兒如我長孫
始成家中儋石苦不足湖池官禁聊經營祇願
明時太平福天道可憐猶北行

送楊都閩備倭歌

將軍明廷之保障腰懸劔戟風雲壯猿臂能彎
十石弓塞外橫行胡氣喪驕騰直斬樓蘭頭揮
揚射殺呼延將朝士咸知征虜名龍庭久著嫖
姚望一朝備倭向登州滄海長風吹鎧仗只以
威聲靜島夷能使倭人歸禮讓携客移尊海市

歷代詩選 明王愛夫
秋輕裘緩帶蓬萊上
刁斗不鳴野戍清
轅門夜月來歌帳

孤山盜歌

白日山中宿黃昏
山下行手挽犀弩
持長兵千百哨聚
任縱橫東村掠穀
困西保掘金坑
執父解其腕縛子
斷其脛爾富飽
欲死我貧飢欲生
官世莫輕我不驚
我將盜汝家好善
保汝城釜魚易焦
爛窮獸無復營
前邊學狗叫後邊
作牛鳴君不見劉
六與劉七亦有齊
彥明

寄三兄翠微山人

鳳凰不識梧桐樹
誤棲荆棘淚如雨
自恃身尊毛翮奇
一鳴遭却羣鳥怒
飢食蒺藜渴汗流
竹實醴泉心獨苦
低頭終日語皇天
側望臨風憶玄圃
豈不願高騫在雲
路命薄時違還落
羽決起槍榆何足
慕擬看黼黻炫文
章定有聲音協韶
濩丈夫失時偶爾
間莫更凄凄悲不
遇

古鏡歌

古鏡類雲月剝蝕埋深土
磨洗未逢人拂拭聊

相覩篆櫺模糊識不真苦遭俗眼還多瞽風鱗
活動兩龍盤水瑩却恐孤鸞舞羸秦未喪汝何
珍照見心腸與肺腑當時姦黨滿朝廷胡不用
之庶有補兵入咸陽亦失去萬歲千秋恨頑帖
一朝幸出發幽光不照雙眉臨畫堂羞共腰肢
對兒女願依水竹整冠裳紫錦爲函障塵翳玉
臺高處凌秋霜日月精亡神鬼怪提携不超同
干將二曜變化固莫測驪珠的礫或能方我初
掩目逆驚走至今魂魄猶徬徨首山銅盡坑亦

沒貢金九牧咸併張

合歡送林使君之任江西

處士劉中丞李却輔宸濠作唇齒宸濠舉兵旋
卽亡爾身不相胡爲死城中不敢問居民江上
血腥猶戰壘勦建新祠祀者誰陳鐘擊鼓椎牛
豕孫都堂許副使殺身磔骨酬天子公如白
日與青天回看爾輩寧蟲蟻丈夫許國豈區區
煩君一吊江流水

花下酌遣懷

假山亭子晝閒適沽酒開尊留遠客林花璀璨
笑人狂嵐光倒影流霞碧千觴不醉猶不歸海
月飛來臨片石世路風塵古與今虛名徒老終
何益誰能羽化入丹丘拔却煙霄謝形役乘時
且樂放幽懷一曲陽春還听憤

憶終南隱居因懷張時濟輩諸舊遊

終南饒積翠屹立若芙蓉開花亘古不改色回
合煙雲千萬重下有棲鳳之綠竹上有落落之
青松誅茅結屋向幽處抱膝長吟比卧龍長安

冠蓋何堪委載酒狂歌月下逢予亦虛名坐羈
絆故國天涯不相見花香滿路芰荷衣應笑風
塵浣顏面榮辱升沈塞上翁公侯非貴農非賤
今日羨君還憶君蒼茫關樹隔秦雲落日胡笳
不可聽春風雙淚灑離羣行役勞生漸衰老王
孫處處愁芳草何時携手入終南願借山庭一
醉倒

夜雪

凍雲忽夜雪照耀北堂陰竹檻蕭蕭動風簷片

歷代詩選 卷之五 十一
片深山河寒朔氣鼓角暗悲吟一曲瑤琴上傷
心復此音

醉後偶成

醉臨春水綠行愛野花紅山氣晴如雨溪陰午
漸風荒茅畱上客高柳繫名驄歲月還衰老浮
生恨轉蓬

臨清高大賓蕭汝功二年兄席上偶成

愁眼開今日逢君忽遠方醉憐春酒碧舞愛柘
枝黃院架薔薇色庭薰蕙草香鄉心猶未展且

欲慰清狂

汶上道中

孤遊來汶上歸思滿秦中水泛山城雨花殘野
樹風行人尋魯道落日向秦宮茅屋應如昔傷
心類轉蓬

魯枯泉上

石磴層層合泉流脉脉通斷萍流細水行樹引
清風鳥盡山還暝雲歸澗轉空來遊愧尸素薄
暮倚花叢

端陽日

都下違佳節山城黯獨看
寂寥宮扇遠零落御香殘
九節菖蒲酒千門角黍盤
未能妨俗事奴僕共相寬

午坐小山偶成

窄徑行分草峰高亂刺天
人閒看鹿下松倒抱雲眠
佩至鳴仙樂琴來奏玉泉
獨遊遲晚興待月夏悠然

新嘉驛古柏

古柏何年種庭陰翠色流
風簷寒落羽月戶暗藏虬
總愛幽居好空慚俗駕留
一杯爲汝酌歲序且悠悠

晚坐

浮雲起層漢迥野生微陰
獨坐廣庭暮愛茲嘉樹林
青山入復暝黃鳥寂無音
搔首悲歌發悠悠傷我心

山下避暑

誰能出世局來此絕人羣
秀木千章合懸泉百

歷代詩選 明王愛子
道分遠峰晴散雨虛谷晝生雲踪跡憐幽獨垂
情自典墳

曉發寧陽

歲暮猶行客愁多更別家春歸今海外身遠獨
天涯不醉中山酒空留晚樹花悠悠成白首時
復歎年華

且汶上公署喜晴

旅客乘秋至山城暮雨歸輕涼含夕吹斜景徧
殘暉露草天邊淨霜笳月下微銷魂應獨坐深

夜欲添衣

舟中曉行

日照野人屋柴門秋水邊池麻漚霽雨炊樹散
浮煙沙際白鷗去草中黃犢眠兒童扶老叟社
鼓正闐闐

南湖遊覽

日過蘋香渚時經宿雁灘漫遊成遠眺獨立憶
追歡水霧輕還滅山風夕更寒小舟行處泊猶
自把漁竿

二

披荆纔有地聚落漫成村
雞犬山開市人家水到門
淡煙生古樹細雨長芳蓀
事事堪留客煩君爲討論

題五三

獨往遙乘興斜陽對暮山
自知玄髮變空愧白鷗閒
林下尋花往湖邊弄月還
野人似相識邀我醉開顏

南湖泛月

晚泛南湖月無人遂却迴
清光孤此夜歎息罷深杯
露淨還豐草風高更落梅
如聞鮫館泣側耳獨徘徊

又來

有月舟同泛無風水自波
浴息尋嘶少驚鳥失林多
深夜來村語歸程發棹歌
輕涼還滿座緩興待重過

野望

野望長千里孤遊更落暉
樹臨官渡合人語葦

歷代詩選 卷之五 七
門稀山盡浮雲出川長獨鳥歸携餐誰共坐歌
罷欲沾衣

薄暮山下

峭拔羣峰秀盤旋一徑賒竹林琴共客書几鳥
銜花畫角城雲散樵歌野日斜濁醪聊自醉不
必問貧家

又

畫景峰饒翠林陰地轉幽雲霞間就宿猿鶴散
同遊遠世心堪賞辭榮足未投况聞豺虎亂廓

處獨含愁

蚤行

曉行日未出零露濕衣裳林映水深碧雲含沙
淺黃雞鳴互村落漁唱滿河梁仰見明星墜年
年道路傷

次韻二首

此時白露節天氣變陰晴曉郭藏雲盡林花着
雨輕夕陽山下暮野草澗邊明獨鳥孤飛遠翩
翩去國情

此日還秋日微陰散却晴城高樓日淨野曠海
雲輕鷺嶺雙峰出鷗沙一羽明夷猶懷抱索把
酒正含情

登湖中小山

湖水何洶湧湖山亦鬱盤輕雲宜更散落日好
還看僧磬中林失漁歌倚棹殘坐須明月上猿
叫不勝寒

又

小山遊客到叢桂憶淮南湖氣橫秋漢峰陰益

暮嵐露花香白芷霜果劈黃柑擬賦空招隱浮
名遂自慚

秋夜南湖舟中

征途勞未息薄暮復舟航殘月水雲暝微風蘭
杜香紛紛悲斷雁處處泣寒螿幸與秋期會寧
辭東路長

沙河晚泊

孤林秋葉落微雨夕陽斜旅館聞村鼓秋香見
野花霜清催塞雁風響折蒹葭客裏縈心曲栖

遲祗自嗟

又

白沙方皓皓客愁獨此時人家秋水近煙火暮
林遲未始叨封拜嘗應遠別離不如終日醉聊
得慰心期

冬日訪吳園贈主人四首

憤世甘投老歸山早結緣衣冠誰伯子懷抱此
皇天竹細彈琴石花香鍊藥泉閒來僧共坐猶
自學叅禪

二

道在貌尤古官清民是家一朝謝朱紱三徑老
黃花俸盡看書目人忘鑄歲華何當鑿錮疾好
復問煙霞

三

選勝勞開地全生會獨貧圖書愁盜賊里俗正
衣巾心了玄機悟村居世味真相逢話何事但
道長松筠

四

村逕還蕪滅林居亦晝閒
檻雲輕到竹門雪暮
連山雙舞隨玄鶴孤飛放白鷗
心期真出世幽
事自相關

交府會鄉人閻子

孤館殘冬夜相逢爾故鄉
感時雙淚眼懷土百
愁腸竹月閒雲淨梅風小
雪香祗看傾倒在煖
酒送餘觴

述閒

空林下白日畫省對秋山
心意澹無擾行歌默

自閒浮雲飄迥野飛鳥泊危灣
世故方多事怡
神了不關

又

政簡多幽事地遠無俗營
藥苗長滿澗山鳥時
入城亭伯著達旨隱居學
長生結茅隨坐卧几
席雲霞明

泰山吟

霜樹飛黃葉秋山擁翠岑
落霞汎遠水暮野生
微陰手弄靈芝草行歌梁父吟
分桃懷晏子國

士獨傷心

又

峭峽真天險，縈紆十八盤。
蚤登迴馬嶺，遙望使君灘。
澗氣雲芽濕，松陰石磴寒。
鬱懷聊一放，羈客此雄觀。

冬日有感

歲暮猶未雪，仲冬風始寒。
江深雲裏樹，雁叫霧中灘。
遠道嗟爲客，愁心頗寡歡。
山城一登望，平野夕漫漫。

暮野殘冬燒窮簷，短日暉樵來山雪。
徧雁盡塞書稀，臘酒頻堪醉梅花。
暫可依天涯底，心事歸夢滿庭闈。

三

江漢無情極，風波使客愁。
晝雲低斷渚，落日動長流。
去國誰憐賈，哀時獨擬劉。
連翩頻見雁，涕泗不能收。

四

晚庭仍獨立倦鳥自知還
暝匝臨溪樹天隨到
海山凍雲寒欲結
畫角續無閒久客堪流蕩
何時一破顏
春遊同結駟携酒對江花
醉卧雲閒野歌回月
到家念來當歲暮
夢處是天涯倚玉知何日
頻搔鬢影斜
愁疾耿盈抱芳年嗟獨看
山亭開野色林鵲噪

春寒醺醺愁中好
梅花落處殘殊方
誰與媚舊事憶長安

日過芳園靜亭深
卓午開暖雲生谷底
春雪露莓苔林鳥時
同轉山蜂偶獨來
可憐衰髮白得意紫霞杯

春日寄青門

不見青門使空勞恨別心
郡中民事簡花外夜堂深
有客來高論無時罷
苦吟尚聞多勝集只

歷代詩選
在太湖陰

送北莊二兄往濟南省青門大兄

道路多豺虎來驚
昂險艱春催山縣別
歸卧草堂閒曲度雲
同往盃香月共攀他
鄉自樂事回首憶慈
顏

山晚

寒重春偏峭山深晚
獨幽箕風疎草屋海
日隱津樓見客猿驚
木迎雲月避鈎有懷
知獨立去國正多愁

山行

正月猶霜露山行晝
苦風窮猿時自密驚
鳥偶相同晚樹雲根
翠春泉藥片紅若逢
學道者擬與結藜蓬

又

白日空山道來遊見
野煙漂零還遠客寂
莫自華年過臘殘梅
蘂方春苦杜鵑不能
拋世事相對一潸然

春夜聽雨

歷代詩選 明王愛夫 四

窈窕芳春夜
絲絲細雨來
園花窗外濕
江雁枕邊迴
處處塵埃淨
生生物候培
客愁全為減
寧復拒深杯

偶得二春雨
全勝萬斛金
輕盈霑綠野
瀟灑浥青林
飽彼聞農事
癡兒望歲心
故園家口在
相慰幸同深

五八湖上

獨尋南旺近
歸路柳堤斜
野日明湖草
春風著

杏花雁迴還
唼藻魚淺自
吹沙隣父滄
浪曲輕舟晚
到家

心耿虛無寐
魂勞病轉加
明時猶失路
何日是京華
亂壑聞泉注
空山起月斜
年荒防盜賊
莫忘野人家

送蜀山鐳伯翔北上

南國今趨闕
東山入故園
報書猶在目
念別已驚魂
不怨為郎久
祇緣明主恩
憶花垂路次

歷代詩選 明王愛夫 三集卷四四 四

歷代詩選
過雨浥行軒

又

送別不相見
停雲獨爾思
魯門已芳草
二月莫
行遲到闕
沾天寵芳春
拜玉墀
古人重晚達
四十未爲奇

訪僧

爲訪高僧到白雲
幽結廬跡稀
古路澀身遠
世情疎
爆竹燒山芋
焚香讀梵書
便拚謝軒冕
共爾話真如

大雅見花

落日墮草莽
西林花色微
眼中猶自媚
風處故應稀
忽爾心勞憶
許時春送歸
客邊愁緒冗
莫更點征衣

許池泉上

落日許池上
春風嘉樹林
繁花茅屋映
高柳鷺塘深
迥野煙花膩
亂山空翠陰
坐來頻啜茗
幽興獨能禁

臨城送別戴絲才長官

歷代詩選
相逢戴安道憐爾故多才好去南徐客煩爲北
闕迴江侵京口樹山過越王臺花鳥春驚別休
應負此杯

再飲君子軒

世事吾非懶浮名斷不關醉堪忘日夜詩欲壯
江山正好愁花落歸休喜鳥閒題書春問訊相
憶久開顏

南湖晚眺同竹谷作

大野山川古春洲杜若香歸雲切眺望落日愧

行藏去國身寧遠離騷賦可忘蘭橈今並倚莫
遣醉如狂

又

飄零俱遠客徙倚獨登頻不對五湖水空看萬
里春鳥聲喧入夜風色坐傷神漁子招呼得應
偕泊島濱

雨後湖上

莫羨滄浪曲南湖興未窮特邀仙鳥客來坐水
晶宮蕙草風搖翠林花雨浥紅晴光偏到眼遮

歷代詩選
莫送歸鴻

小山對雨懷周少安

一別還京陌十年各遠方
那堪重流落相憶益
悲傷斜日古城下無人秋草長
雨侵愁抱密清
嘯爲誰狂

寄憶趙行人璵二首

在告還今日文園素節深秋風來上國蟋蟀卧
空林把酒孤峰暝看書亂壑陰中車聞客至對
榻細論心

又

故多齊魯士獨識棄繻生
乞病違閭闔全家避
歷城湖雲連渚雁山樹接秋鶯
懷抱思君索清
尊那與傾

山中雜述

居茅連苦竹澗草著疎花
客次占秋色塵中儘
歲華未煩生白髮終自濫
烏紗飛羽防邊急空
山暮景斜

秋夜聞雁

最苦思鄉淚今宵爲汝多秋陰連海嶽歸路識
星河未信銜蘆葉真能捍網羅楚雲一萬里故
渚擬須過

冬日亭上

寂莫無人跡衰遲也自過風稍還竹箇霜蔓逐
藤蘿四壁苔塵集空梁鳥雀多徘徊不能去倚
杖一長歌

春日同姚子韋西張子太微并將陳張二
子遊薦福寺

折簡邀公子行吟駐碧沙晚江初弱柳春郭已
繁花日抱峰雲仄風含澗竹斜相逢識老衲一
笑感年華

謝園行樂詞

沽酒長安陌芳春謝容家片雲來作雨落日散
成霞坐起扶青竹狂吟遶碧沙武陵知不遠洞
口認桃花

又

投書辭北闕解組卧東山花妓行相倚松蘿醉

自攀春風百度好浮世此生閒朱紫聊身外幽
栖學閉關

鳴犢道舊

縣古生春草村廻帶晚汀山藏行澗水寺隱看
雲亭客到收松子僧來問鶴經同遊多勝事故
舊眼偏青

省中乘涼

秋伏真難避官齋頗獨幽樹靈驚雨過簾火帶
星流伏枕非陳榻狂歌憶庾樓浮名堪送老生

事只滄洲

小至

夜寒廣庭靜歲色暮河陰皎皎青霜月蕭蕭碧
樹林風塵行客鬢江漢故園心底事羈懷切無
端一醉吟

園中

茅屋寧辭矮花欄頓覺荒開門書尚帙薤草蔓
猶霜謝老還丘壑深源自廟廊祇緣吾道重誰
復戀年芳

熊雙溪西園小集

熊公能大隱城市有閒居老去元無病年來只
讀書生徒時問字門巷每停車招飲還春日何
曾與客疎

送孫敬之先生

南下風雲傷往事北來關塞愴離筵天涯長路
黃塵際歲暮歸心白日前鄉國逢春新酒熟江
湖回首片帆懸思君十載今初見老我翻悲昔
少年

奉天門曉日華開霞佩仙郎接上台鷓鴣成行
朝早入品山如字拜初廻攀留不盡千官意行
在誰供萬壽杯江海翠華猶遠狩徒將雲氣望
蓬萊

感春憶周子少安

春來事事傷懷抱却向春前把酒杯人事蕭條
還易醉花枝遲暮獨難開看書欲待三江雁繫
馬還登萬里臺南北浮雲應自散可堪惆悵日

徘徊

春日閒居

三月帝城寒漸薄一年春事賞多違時來取火
渾驚柳命下新羅始換衣正好開尊仍遠別即
妨懷土却難歸鶯花過眼虛相媚黯黯愁長獨
掩扉

春日留別許伯誠

風塵相別在天涯北客東行此憶家官樹巢成
時見燕野亭春盡亂飛花浮身漂泊雲空散芳

草晴薰日自斜作賦長卿今不賤未應流落歎

京華

無事

都從休沐覓閒居官舍真能與世疎芳草閒門
惟燕雀委懷終日在琴書林松子熟勞頻摘畦
藥苗荒每自鋤散髮如蓬應更結任成慵懶不

曾梳

送陳汝依長官之南部

京華一別忽如今相送南行淚滿襟飛盡渚雲

歷代詩選
江樹淨迥迴舟月額猿吟潯陽早見餘氛散鍾
阜猶聞駐蹕深何日北歸還紫極凱歌應慰萬
方心

藥苗
晚望自憐
偶倚薰風上小臺暮雲孤嶼鳥飛迴幾家村舍

湖光淨千里帆檣夕照來已向南京開帝邸
却從北極望蓬萊子雲欲獻長楊賦小伎慚非

濟世才

舟次喜晴
綠野輕涼落日低漁舟兩岬棹聲齊長川風靜

鳥歸樹漲水雨晴雲出溪琴韻自開還正席劔
光空拭却重提秣今宇宙兵戈滿幾爲親知惜
解携

舟中觀物

喜雨獨愁歸路遠雨晴河氣尚霏微沙鷗會立
防魚見檣燕能輕貼水飛孤著林花吹半落漫
生石笋割初肥健遊屢破他鄉眼賞玩應知與
願違

立秋前一夜月夜聞蛩

亂草夜深聞蟋蟀
滿庭寒沁動蟾蜍
孤吟向客聲偏切
遠地歸心悵有餘
官舍已荒元亮菊
鄉園猶阻大雷書
城高白露縱橫下
明日還看古木疎

立秋日

立秋一日天氣陰
畫堂風雨自蕭森
雜花歛樹倚殘晝
空翠滿山明獨岑
頓覺馮唐翻老態
不妨宋玉忽悲吟
逢人儘有風流興
誰爲提壺抱

素琴

秋日野興

水氣蕭蕭白晝寒
露葭霜葦瀉鳴湍
小舟夜集湖邊月
遠雁秋驚沙上灘
石窟巧藏窺紫蟹
村汀遙藉長幽蘭
羈棲客况偏多意
潦倒年華半欲闌

秋日分菊遣興

秋風叢菊倍年光
遠客淹留此異鄉
天藉暮雲開細雨
塞傳歸雁著微霜
索居有酒還須醉
僻

歷代詩選 卷之五
地無情亦自香籬下尊前頻愛惜祇應搖落重
堪傷

九日

冠蓋蕭條傷客心歲時風物此登臨倦遊已著
歸田賦畱滯空聞莊鳥吟天外霧峰凌削玉雨
中霜橘溜懸金可憐白髮催人老不道清朝尚
陸沈

又日

客邊此日更登臺臺上西風首重回林外金鞍

喧櫪馬雲間玉露接行杯茱萸俗是長生用河
嶽晴因勝地開聞道南征歸奏凱笙歌遙送翠
華來

立春後一日寄京中諸友

紫禁寒多未見花萬年枝上散啼鴉樓街內制
螭頭出殿轉宮車雉尾斜寶鼎晝薰香篆合畫
屏春簇漏聲賒笙歌猶自迎王母青鳥蟠桃共
歲華

獨行有憶一首

歷代詩選 明王...
暮野深山日自斜，經年爲客在天涯。
風塵荏苒愁行路，歲月因循憶別家。
畫省夜寒空遠笛，孤村秋盡自殘花。
薄名到我真九骨，人世于今幾歎嗟。
出嶼轉車...
禁西徐赴馬進士席口號

使節東歸路不遙，憐君折簡屢相招。
淒風歲暮空蕭瑟，細菊秋香未寂寥。
燈下詩篇書滿紙，星前鼓角動寒宵。
愛渠金谷東山下，到老閒來醉木瓢。

留泉春日思歸

獨卧山城日較長，梅花爛熳動年光。
園桃亂折眼俱碧，江柳欲苞春未黃。
何事久遊不歸去，卽看老至轉悲傷。
角巾野服携尊飲，尚憶終南舊草堂。

寄方棠陵

時以差寓歷下

去歲書來遠相憶，今年春日倍含情。
西曹莫歎爲郎久，東郡方看使節榮。
海內文章傳諫草，朝廷經畧動才名。
近聞寬法皆休息，不愧相如

歷代詩選
明王守仁
喻蜀行

閉戶

空山松老氣如雷
白晝長風却倒回
伏枕偶驚鳥飛去
閉門未見雲歸來
野亭日暖生芳草
澗水春流送落梅
遠客新年還寂莫
不知何處黃金臺

訪徐太守

湖上隱居君不厭
湖邊春水白鷗多
浮雲身世留泉石
喬木門牆長薜蘿
自負酒杯饒好句
相

隨漁父足狂歌
獨憐孺子風流藉
未枉陳蕃日
日過

春日送別九川

山亭春晝淨芳林
雨絕雲收澹作陰
坐處壺觴花近眼
愁來離別鳥驚心
可憐素質非時好
始信朱絃太古音
此日朝廷須直道
爲君相贈白頭吟

山亭小酌會桑太守呂大叅二先生

萬里浮蹤此異方
百年重會轉悲傷
每驚蒲坂

謫居久苦憶文園消渴長花木宜春侵坐席山
城落日倒壺觴爲君一醉揮詞筆醒眼休嫌阮
籍狂

經蔣詡泉志感

春日曲江向草堂此君三徑自年光山風却到
讀書處林月不歸空嘯長冉冉暮花垂過次依
依墟里憶沾裳可憐浮世浮名薄逝水渾驚日
月忙

交府公署夜懷

亂雲黯黯長川夕遠樹輝輝弄晚晴迥野雁鴻
悲自語空堂鼓角壯還驚夜深河漢春城逼歲
暮江湖白髮生漂泊風塵何日定故園高枕重
含情

東陳寺晚坐

東陳院裏亂山靜一樹繁花更客情豈爲年光
屢荏苒卽煩春事太分明白日欲歸野田暝高
雲不動峩峩輕好須沽酒醉今夕老去祗憐渾
此生

歷代詩選 明王愛夫
山中夢歸

山夜睡魔渾不醒
天涯歸夢苦冥冥
關山月落塞雲黑
函谷春深嶺樹青
故里豈能忘白髮
揚雄亦自草玄亭
村居薄曙動行色
謝豹林猿那可聽

合韻舟中晚趨濟寧先簡竹谷

遠客傷春獨未歸
柳絲花片自芳菲
三年兩度逢寒食
萬里孤舟夢綵衣
滿眼黃金何足重
入唇清醑莫教違
故鄉契誼陳蕃在
曲几論心坐

欲依

穀雨一日

穀雨不雨天怒風
霾雲四望朝暮同
高樹鳴鳩懶相逐
閉門對榻愁不空
瀟灑詎聞有常觀
霏微難見楚王宮
官苗蒙密劇乾苦
安得滄溟傾自東

野別

暮春出郭事多違
遠道鶯花料不稀
三月殊方難久住
王孫芳草送將歸
雲中虎豹當關隘
天

外河山遶塞微
願有寸心緣
歲事總饒雙淚濕
羅衣

月下泛舟同陳竹谷作

最愛南湖美
煙水故從月
夜泛舟迴紫菱翠荇
芳春積沁露寒雲
倒景開行傍珠人
鮫館淚坐聽羸女
鳳簫來陵陽赤鯉
能騎否咫尺中流
恐曝腮

待劉允清不至有懷一首兼呈竹谷

幾年不見臯蘭
客人事浮名豈
定居漂泊天津

行在日淒涼
北海故交書
獨來芳草暮春
長誰共殘花
清晝餘珍重
任城文雅會
休將放浪即忘子

落日放舟

亂舸風帆落日收
長河滾滾急安流
買魚作膾此鄉客
吹笛滿空何處樓
水鳥夜深相對語
歸心歲暮獨生愁
東山月出蘋香淨
清笑狂歌浪作遊

山亭晚述

山亭落日淨煩籟天錯亂峰蒼翠浮重引絃歌
還讌集動移書几足安畱風煙雜沓市塵遠草
木蒙茸清夏幽一坐思玄十年事羲皇之上復
何求

夏日懷終南草堂

終南草堂天盡頭山中雲樹心悠悠琅玕千畝
下江水風雨四時含素秋石髓已塵空碧澗仙
人化去自丹丘微名累負携尊侶擬並張衡詠
四愁

西園讌集卽席賞蓮

錦席朱幃清夏署蔗漿碧椀行芳筵能逢勝日
幾回醉况對仙人十丈蓮啼鳥檻高當翠巘携
琴竹靜落紅泉浮生最快惟疎放傾倒看君好
自憐

郊晚

城外孤林背郭稠歲時鳴鳥亂山幽風煙泉石
喜傾蓋朝市衣冠悲浪遊問客更過孫楚宅登
樓還對白鷗洲漁樵踪跡吾堪老落日歸心鼓

角愁

山齋風夜述懷

落日閉門蘿薜深
山齋風夜澄清陰
疎櫺颯颯動書卷
暗壁時時開暮琴
關塞一身曾別淚
乾坤萬古獨愁心
歲華人事豈俱處
亂草空林蟋蟀吟

寄孔正郎鳳

北道主人蚤已歸
南湖畫閣淨朝暉
秋霄萬里上黃鵠
暮野亂峰開翠微
不見祇勞思玉樹
多

愁終自典朝衣
年華荏苒催雙鬢
世路參差心境違

病眼紀懷

天遠孤城倍寂寥
年華愁病獨難消
東山客舍微相滯
北極朝廷故不遙
敢謂匏瓜非雨露
似憐鴻鵠自雲霄
虛將詞賦傳心曲
未擬湘魂楚些招

有客

山縣違心時序改
野人相憶舊遊稀
到門携酒

頻何厭遠浦秋光暫可依漫老疎狂非款曲多情傾倒借光輝共拚一醉兼歌笑須藉荒庭卧翠微

重九前一日卽事

搖落林居風日清黃花白露客心驚頗傷信美非吾土却憶飄零是此生隱几晝寒飛海激杖藜秋色際山城年華轉盼俱陳迹底事猶牽世上名

送別汪僉憲叔憲

朝廻使節此山城送汝江南歸四明鏡水秋風思賀監丹丘羽化訪茅盈雁峰晝暝三江遠梅嶺春寒萬里情宦跡如蓬應好惜紅塵白髮是浮名

東昌舟中別北莊兄

清霜白鶴夜蕭蕭短棹孤篷夜寂寥尊酒送歸明早發故園不見歲時遙荆花日遠還關內梅蘂春寒徧野橋東郡別離情共惜終慚騰蹋在雲霄

薦福寺

結騎尋花幸不違
暮雲清野日暉暉
偶因江閣登春望
得共山房駐翠微
竹塢鳥留高士榻
石牀螢入定僧衣
年華牢落誰能憶
載酒携詩得共揮

雨中柬陳竹谷

竹谷先生久閉門
一春應負對芳尊
浮雲野屋愁多濕
細雨江花也自繁
白髮豈能忘歲事
青藜終副送林園
可憐行樂今蕭索
何處空聞歌

吹喧

新歲有感寄青門諸兄

玉京紫陌春微動
渭水秦山歲屢新
垂老弟兄添別淚
蒼茫冠蓋日風塵
浮雲塞草偏防敵
旅雁梅花轉傷人
雙鬢繁愁那免白
祗應投賦與靈均

登燕昭故臺騁望

宣武門東春日昏
登臨病眼尚乾坤
廢臺荒草王孫賦
流水空山蜀帝魂
萬里風雲還北極
千

歷代詩選 卷之三
年戰伐此中原浮名今古堪垂淚底事絃歌有
故園

天城卽事

涼雨回風晚色微天城八月盡寒衣百年身老
殊方遠萬里秋深旅雁歸慰藉愁心雲物在漂
零落葉鬢毛稀歲時吾道何消息真愧浮榮未
息機

保安山中小憩

山中日出暗雲霧春晝鳥鳴密樹林自可誅茅

狗鹿豕何妨招隱共人琴風流擬著閒居賦婚
娶翻牽避世心兩子潘郎俱寂莫空慚潦倒覓
知音

聞邊報有感

迤北黃毛駐白登羽書烽火劇邊城曾聞獨石
追窮寇不道龍門少援兵此日三軍勞餽餉
朝楚諸將且簪纓誰知定遠紆籌策投筆終要
萬里名

謁軒轅廟

懸厓路入逢人少古廟顏垣駐節遙鶴迹松陰
翻此日虫書壁畫自前朝空山雲覆無蒼草幽
壑春深長藥苗尚想鼎湖龍去後攀號弓劍轉
蕭條

尋樂園覽物

吾憐陶靖節五柳閉閒門種樹看松桂留書課
子孫春風行人社秋菊旋浮尊勢位緣歸罷身
名以拙存移文怨逋客賁道美丘園卜寢恣高
卧懸瓢懶出村清心同向子狂態異虞翻樂我

開新醞逢君盡雅言桑麻今歲好頓覺失愁煩

月節

今夜關山月中秋遠別家客魂銷漢馬鄉淚墮
胡笳霜落楓江樹風吹瀚海沙楚庭開穆醴蜀
地泛張槎仙子遺安棗東陵刻邵瓜姮娥隨畫
障臺榭倚紅霞歎息逢遲暮飛蓬去更賒

夜行

野店夜猶飯晨星霄向微山空河漢落風遡雨
雲歸憶度林花照螢穿水竹飛只今逐世好應

念結崑扉慙惡不能道故心何可違

三月十六日犬馬之辰客中寥落無以自遣感懷援筆短述三十韻

三月春垂暮客行殊未央榆煙變朱火歲酒送青陽慷慨來燕國漂零寄朔方無家逢賤日有淚割愁腸謬奉螭頭誥猶存雞舌香風塵時共暗犬馬義難忘明節甘鐘鼎微軀致廟廊故多蘇武氣真借史魚光旌旄橫沙漠干戈淨犬羊山川摧漢馬鬚髮折胡霜潦倒還茲土艱虞且

故鄉千金終昂險萬里念垂堂病減新囊藥啼繁舊舞裳園林當滄涓習俗藹虞唐稚子培鑽李蠶工摘稗桑琴尊隨靖節杖屨到羲皇悵望經時別婁其一劔庄遭逢誠不易畱滯祗堪傷置措猿能捷牢籠鶴豈昂書空煩咄咄扼腕訴蒼蒼朱紫榮須薄漁樵分合當思玄袪世好推老與年芳偉節名還藉將軍飯尚強為情非鹿豕見道本羹牆補綴于游藝逶迤竟出疆刺懷輕漫減足累重週防長揖叅孫楚行歌接陸狂

歷代詩選 卷之三
洞瀾彌皂白蜂萬屢雌黃晚達雲霄異微糊歲
月荒長生留妙訣九轉覓丹房

石洞

萬古此深洞尋仙偶獨來春風人不見洞口百
花開

秋曉

鳥雀喧簷隙風雲變暮天披衣坐清暇落葉到
寒氈

寄題陳山人別業

將軍種竹擬淇園渭水南山遠在門一榻爲留
徐孺子至今人尚憶陳蕃

偶成二絕

西風昨夜捲長松吹却雲山一萬重病起不知
秋色老小池猶自問芙蓉

又

一生一死莫深悲有子當如未有時秦漢于今
陵墓在淡煙秋草正離離

東歸

萬山積翠似娥眉伴我東巡爲索詩歸路秋風
如恨別平林落日故遲遲

一坐山夜

山屋石門半薜蘿夜深月下獨經過花間竹裏
秋難見似有人來踏踏歌

西風清明雜興

一年恰好清明節百歲無多衰暮休計取眼前
聊稱意莫傷春事不風流

送李一德西歸

東昌郡前冬夜長執手送君歸故鄉
雁叫猿啼不忍聽無端清淚濕衣裳

石倉十二

選

明三集卷四十四

終

歷代詩選

卷五

三

三集卷四十五

東昌... 外... 手... 誠... 微... 淵... 淵... 淵...

石倉十二代詩選

三集卷四十五

鳴陽集

大明

合肥陳節著
後學曹學佺閱

公出入圓通寺大雪聽慈裕說浮屠法適

二吳秋元送酒遂與飲之飲酣賦此

單騎出庄廬招提聊駐節開闢惟此山晉唐留

石碣宮闕復宏敞簷牙何突兀諸天倚薜蘿兩

塔峙西北山外潑彤雲階前落春雪佛面有天

花空庭無妙偈六根愧自塵三昧更誰說心性

歷代詩選

月東自正

三集卷四五

一

祥

亦知明香燈還復滅忽憶涅槃人倏然毛骨冽
徒擁邑侯旌那問袁安宅翻辱二賢來共話三
生結愧我啓龍門多君皆鳳穴此會覺惺惺書
空何咄咄吾頗厭桑麻似能諳薇蕨何處是松
喬便應老華髮

林石雲

南粵多仙錄名峰壓海淙絕壁挿天柱懸巖瞰
祝融嵌怪當虛谷芙蓉削故宮靈華涵澗壑變
態驅豐隆輪囷散玉葉紛郁流瓊虹孤飛如杳

靄靜鎖還瞳濛衣裳卧猶冷袍笏意何崇漫道
躋羊子仍傳伯雪翁何似金閨彥來尋瑤草叢
極目煙霞外怡神紫翠中吟懷抱梧月雅興嘯
松風鶴聲逼天漢劒氣倚崆同憑雲脩健翮介
石勒奇功願言此地好應與太清同入門知異
術侍立有清童泉引青精潤霞封丹竈紅日月
雙丸跳乾坤萬慮空吾亦談玄者相期併策筇

題陳扶搖別號

北溟有巨魚身長數千里揚鬣在天門海島縈

歷代詩選 明陳伯玉
其趾一朝奮羽毛九萬搏風起掀揭太清間俯
瞰乾坤裏動可驅雷霆靜播滄溟水蓬萊吞黃
鵠扶桑凌鳳羽何事綠髮君栖岩卧松芷僊風
與道骨神氣清且美衣製五色雲飄飆羨霞騎
振袖採金鷲逸翰餐芝髓萬軸炳先幾一劔叅
玄理有客問真秘粲然啓玉齒授以石函書琅
琅亦可紀清光灑六合良慰蒼生喜長鯨馳海
陬縮殼挫安恃勲業入雲霄邈然不可企惟其
身有之是取扶搖子浪語愧參差南華歸逸史

管淵遊天池次韻王陽明先生

山下春風披澗草山上春光行處好巉巖突兀
覆茅簷中有枯禪同野老四仙神氣脫蓬萊陽
明曾撞青天開我亦浪說衆同契安得羣仙駕
鶴來祥雲縹緲應翹首青山似勸黃精酒盼彼
松筠挺歲寒笑他蒲柳空腐朽俯窺山下倚空
庭蘿月已映蘆荻汀歸來一掬天池水照見芙
渠萬點青

其二

天池舊室講經臺今日來遊聽般若神龍一去
洞雲空白衣猶在松岩下石枕桃花機可參不
道騷壇與蓮社吟身怯險仗孤筇眼前誰是談
玄者憑虛一嘯徧青霄瀑布恍在雲中瀉興餘
更轉御碑東佛手參差如覆尾

寓羅崎

有客鳴陽少讀書章句伊吾晝掩廬一朝受命
來江海萬里滄波翻白魚兼天風湧舟上下髭
眉脆脫髮益疎嗚乎一歌兮歌欲悲皇天生我

將何爲

其二

有客枕書在山谷海濤直濺平沙麓萬里憂心
繫廟廊中夜殘燈照孤獨海南江北兩關情兒
女夢中相驚哭嗚乎二歌兮歌欲歸展轉寒衾
天漸晞

牡丹行

卯歲春深君正閑狂生抱策遊南臺前年我爛
京華醉魏紫姚黃空自媚去年今日一捻紅我

復壁水吟春風秋來謾撫南窗問山童爲報君
獨盛五雲攢簇香魂飛嫣然似待翁之歸今年
好雨當時節雲錦彩霞相間發墻角鶯花何太
妍國色還輸碼碯盤君不見粉紅英裏微微露
渾如西子曉粧試新浴又不見婆婆娑斜倚玉闌
曲更如太真春睡猶未足參差獻笑湖石邊風
流直對鳴陽仙鳴陽仙人真不俗布衣剪製重
雲綠不道豪奢金谷園天下春收歸肺肝流連
忽上緋桃月一夕盡償三度別青絲絡酒提玉

餅醉來呼筆蒐豪吟

東去

題淮泉

昔與東園醉事天賦爲詩

淮南有山何嶙峋山下有泉何清芬中有仙人
來玉京羽裳剪製五彩雲少年負氣殊豪宕文
采風流今已壯襟期瀟灑世慮空飄然塵外多
奇况落花遊絲白晝閒清簟疎簾棋局殘平生
飛動似行雲時向流泉一靜觀混混源頭藏至
理滄滄已濺詞人齒漬開玉竇細有聲瀉作瑤
池淨如洗煙霏亂落雨聲輕風靜還凝雲母屏

月映半溪紆素練
天空一碧涵秋水
濯清泉兮聊自潔
飲石泉兮蔭松柏
古人泉石真膏肓
知君意態能相頡
洗心亭上無知音
秋水微言久絕塵
雲消明月天心見
急湍迴瀾識靜深
更深擬作春宵會
有美人兮歌漁麗
風花一片點春衣
拍手喧呼人欲醉
席間有客本疎狂
筆染九秋風露香
鎮日吟哦事芝髓
爛熳鶯花點綴忙
灑然談笑亦佳遇
剪燭揮毫發天趣
爲君漫賦檻泉詩
踏月携花且東去

盤池

密巖山人曾好奇
平生耽樂惟盤池
盤池之水來何許
縈迴曲折溪之西
雲影天光涵上下
微風返照堆璫璃
青春翠荇牽風亂
長夏黃鸝隔葉啼
晚棹芙蓉更清淺
寒岩蓑笠宜棲遲
四時逸興池頭景
萬點青螺天外齊
不羨習家與金谷
那知紫竹仍瑤絲
清斯濯纓濁斯足
可以沈綸可以詩
拂拭龍唇付流水
漫憑蟻醞破塵思
蘿月微微穿水閣
輕風冉冉吹雲衣
翛然騎鶴

歸華表蓬萊仙樂尚依稀我生不遇真成歎
玄雲落卷皆珠璣有客携之紀陳迹醉來酬塞愧
參差

王嵩山

嵩山之山名丁戊九疊屏開半煙霧羅浮天竺
豈其徒盤踞閩中稱奇露垂岩廻合凌蒼蒼寒
姿秀出南斗傍白石青松銜暮景紅霞翠黛明
朝陽中有美人真仙侶剪製重雲衣白苧興染
九秋風露清襟同千仞雲霄羽漫調寶瑟吹瓊

簫林間笙鶴仍飄颻仰瞻銀河倒天漢俯窺滄
海生危潮灑然坐嘯山之曲不道紫綃與金谷
輞川老子亦叅禪山陰道士殊未俗乾坤今古
幾人豪煉就神丹破世勞願君甫試安民術同
把芙蓉遊太霄

廣佛寺次韻古玄

野寺丹青古庭花意思閒村墟人不到松柏鶴
初還遊客更洗盞山僧久閉關無端飛動興寧
付寂寥間

悶雨

十日東風雨春寒入小輿野橋今作渡古道欲
成湖隴菽雖高下農秋半有無淮徐今復此鄭
俠又堪圖

其二

春雨滿蔬畦山泉浸竹輿流鶯迷斷柳歸雁失
平湖興盡探詩苦村荒問酒無聯牀不能寐指
掌說河圖

其三

三月多風雨微吟坐小輿曲流環柳岫亂石鎖
雲湖老樹根如墮危橋木半無王維空載筆岑
寂不堪圖

不寐

夜深不能寐寒月已懸鉤露淨天如洗鳥鳴山
更幽江流驚客枕譙鼓到漁舟坐待扶桑曉帆
檣下石頭

次韻芹谷登蜀山

俯仰煙霞別登臨感慨多懸泉疑谷籟孤島插

歷代詩選
湖波吳越悲王氣關河想塞歌鳳城應咫尺
耿望如何

其二

招提春宴集吟望野情多
泉落通花逕風來入澗波
朔雲連海岱南鳥代笙歌
耽句神初爽斜陽可奈何

其三

虛榻晴光好身臞可奈何
耽詩未爲癖養病已成魔
石几飛花亂草堂春色多
兒曹共一酌強

取醉顏酡

庭下茉莉六本盛開

小聚虛簷午羣開曲檻
傷花疑寒玉潤枝引翠
雲長草砌分番碧茶爐
醞藉香宮娥扶白燕爭
採插琳瑯

郊行送客

有客騎羸馬相逢野店中
魚潛空丙穴酒滿罄
郛筒官柳垂深碧仙桃
泛淺紅蓬萊應不遠一
逕可相通

歷代詩選
明陳伯玉
省兵宿圓通寺

驛路逢僧寺，單車入暮霞。
山禽調碎語，簷雪落晴花。
溪嶺分三寨，兵農自一家。
采風兼索句，還喜問桑麻。

其二

招提無色象，殿閣半煙霞。
沙雪仍含凍，江梅欲放花。
文書兼吏事，衾枕借僧家。
溪邊流水急，安可問胡麻。

再疊聞字詩

杖藜鍾石側，瑤草共閒雲。
開闢留仙跡，藤蘿映碧芬。
東西三水合，上下兩崑分。
遙奏鈞天樂，鏘處處聞。

入彭澤過孤山翁眺讀書岩

舟入青溪口，花開綠野堂。
中流天柱險，背郭石城長。
古澤依江漢，殘碑紀晉唐。
讀書巖上眺，遺刻識蘇黃。

避雨海濱

昔年聞粵海，今日望邊樓。
墨綬觀風客，滄波避

歷代詩選
明陳伯玉
雨舟不才投遠地多病起深愁世變陰晴態江
聲日夜流

布政司公署荔枝樹

一庭閒坐靜兩樹夾階幽斜影穿簾曉空聲入
檻秋色分青玉案香遶紫薇樓謾論妃子笑記
取小釵頭

西禪寺次韻

並馬遊蘭若孤襟覺洒然鐘聲飄殿角山色到
簾前壯志仍千里衰顏又一年老僧初出定蒲

榻借來眠

海上風濤薄晚乃霽

聞說雁門秋何如鯨海愁風霾迷白日煙浪打
危樓草木三山黑乾坤萬里浮片帆明薄暮一
笛起滄洲

其二

漢代旌旗地明王禮樂鄉水鹹知瀚海日出
近扶桑雲淨晴空碧沙清落葉黃乘潮迴戰艦
北斗正蒼茫

其三

鳥語臨邊地腥餐識異鄉水營無細柳滄海幾
新柔戰士旌霓黑將軍甲葉黃書生不習武腰
劍總鋒芒

素菴別號

江水江雲二草廬素翁我亦遠相知風花時曳
雲根杖燈火閒敲月夜棋蘭草已辜流曲酒梅
花不欠雪來詩須知睡覺羅浮夢可有長髯道
士誰不知

喜雨命酌用空同韻

雲雷昏黑動山城澍雨翻盆只到明滿把分苗
知就實迎門種樹更饒生若逢歲稔真爲樂任
是家貧不用營花草盃池應有色寧辭酒盞盡
情傾

登鳳皇磯

獨上危樓第幾層八窗簾捲曙光輕潺湲水在
江門吼砑砢雲從海島生吳楚青山新入眼鳳
皇高處舊題名登臨賸有先憂志時復空楹一

朗吟

贈林巽峰先生次葉兩湖韻

十載鳴陽客又來山僧識面拂蒼苔平湖雁影
參差落幕雨桃花次第開陋巷奈何淹落魄文
園久已病多才凭高忽作燕雲望劒氣遙應接
鳳臺食不用營蘇草豈此飄首自寧賴西齋盡
賦江東卽事似更難上試登對感真然樂到
白露垂珠碧玉臺風流仙子下蓬萊花陰醉聽
鳴璫過月影遙驚寶扇開輦轂不須悲往事娉

婷還許壓羣才瓊樓無限追陪意銀燭爭傳掌
上杯

金陵雨花臺

遊到蓬萊最上頭風光滾滾豁吟眸滄洲何處
梅花笛綠樹誰家燕子樓書劒似多湖海韻簞
瓢還繫廟堂憂齊梁殿閣歸然在萬國風雲擁
帝州

飲香花墩泛舟遇磐岡且候方東泉大尹
不至

登眺已成山水癖風流不讓古今豪十年馳逐
逢仙境一枕煙霞破俗勞彭澤酒懷何處放杜
陵詩興月中高扁舟更向芙蓉裏愛取紅香拂
緼袍

紅蓮次陸子韻

仙骨分來西華池漣漪風動水雲奇高擎紫玉
香初近細捲霞裳露自垂太液一枝如解語麻
姑三變欲何爲主人靜倚虛窗外風味許多誰
得知

資勝寺養疾

一葉松香一束書洞雲深處啓柴廬不才自是
迂儒分多病安勞太守車蒲榻怯風慚我瘦花
階經雨對僧鋤窗前萬竹鳴雙鶴自在天機我
不如

落花次韻沈石田

剪剪東風色色幽繁華偏到野橋頭空濛香霧
隨風轉自在芳心逐水流輦轂無緣來硯匣溽
陽有夢上簾鉤平生飛動無依着莫向紅塵作

浪愁

其二

春光嫋嫋恣清遊一點珠簾一寸愁
魂逐馬蹄穿柳逕香隨燕嘴上瓊樓
更從南岳翱翔去不爲西園醕酏留
豪興老夫消不盡漫隨紅雨到蓬丘

其三

霏霏疎影墜窗西風捲殘紅意欲迷
蝶拍自來還自去鶯簧如訴亦如啼
舞酣趙燕愁騷客醉

倒楊妃倩小媛綠徧郊原徒信馬
典衣春酒爲誰携

其四

深深庭院綠成堆淡白殷紅點翠苔
恐碎凝脂輕着屐欲衝寒雪漫銜杯
文章水面魚槎破環佩雲中鳳輦催
更喜風塵拘不住一時飛聚又飛開

其五

膩玉凝脂欲刺眉簾櫳飛絲亦多時
獨吟斜日

歷代詩選 明陳伯玉 五
重尋句一到玄都更有詩細捲紅香來盞面輕
隨流水入琴絲芳情莫道便風去留取遺形綴
故枝

其六

緋緋華榭拂輕塵冉冉村籬翠色新蝶翅浮沈
翻碧柳鶯花上下鬪青春鄭老有詩媒國豔潘
郎無計駐芳辰凌霄莫道無知己風月騷壇是
主人

其七

羣芳無力愛春眠倦倚闌干似醉然漢女琵琶
應歛恨楚宮粉黛不勝蕩燕銜零玉遺書几蜂
帶餘香過酒船欲爲癡兒時洗面杖藜間到短
籬邊

漫興次韻

芙蓉香捲一簾秋何處神仙醉倚樓容我詩篇
消漫興任他風月掃閒愁頻傳酒盞初紅面笑
採花枝欲上頭門巷柳條鶯亂語不妨携手任
君遊

鄒縣道中

山光杳靄分平墅，暝色空濛入小輿。
鄒魯煙霞聯海岱，聖賢功業在圖書。
野橋風軟還吹帽，古道塵輕半上裾。
河漢寥寥應北望，五雲宮闕杳杳餘。

寄吳橋王恒齋

驛路風花亂馬蹄，天涯曾動古人思。
鴻箋欲付雲中寄，鳥跡還從月下題。
多病殷勤懷往事，不才迂腐愧招携。
更憐山寺同遊處，秋水芙蓉綠

滿蹊

長安道

西山入望半煙霞，王氣葱蘢照物華。
雲母宴開金縷調，藥珠簾捲玉蓉花。
流鶯聲囀三千殿，丹杏雲聯十萬家。
得意長安人似醉，馬蹄踏徧御堤沙。

六塘岡

春風直上六塘峰，極目青霄紫翠重。
流水橋邊浮荇藻，遠山天際削芙蓉。
參差闌柳搖空碧，零

落疎籬度曉紅
撫景獨吟毛髮爽
振衣真似跨飛龍

宿方雙橋衛竹東寓所

江南江北本同襟
兄弟相逢分益深
四海幾人嘗共榻
一燈今夜喜論心
風來靜院吹玄酒
月到虛窗照苦吟
千載風雲惟此會
飛翰直到碧

山岑

卽事

龍舟上下彩旌通
爭笑樓臺舞袖重
縹緲霓裳

春霧薄參差
寶髻翠雲濃
香散麝煙籠
翡翠簾開
湘水浸芙蓉
更看撥盡琵琶調
倦倚雕闌十二峰

長安道

東風書劔客
都城春滿天
衢眼更明
御柳垂絲
輕拂馬官梅
如豆亂啼鶯
揚雄漫擬江東賦
充國無勞塞北征
盛世自知才力減
微軀安可答昇平

懷春爲劉西村

靈根分自碧山岑剪伐猶憐手澤深半枕春雲
千古夢一枝暮雨百年心影搖素月婆娑淡簾
捲虛堂紫翠沈我亦與君同此慕憑將陟岵寄
哀吟

別楊雙奇上舍

玉樹娟娟抱彩霞清秋行色寄仙槎狂吟此夕
牽江柳爛醉何年共燭花煙水漸通銀漢近風
雲遙接翠微斜歸來酣枕鳴陽夢直到江南才
子家

後湖秋眺

輦轂豪華燭散風隔江玉樹尚朦朧參差蘆葉
搖煙翠狼藉荷花墜粉紅十畝溪山淹客子六
朝文物付漁翁直今王氣浮城闕紫極雲邊帝
業雄

煎藥山庄索井水不得

數椽茅屋一垂簾靜几焚香可對天病體有兒
攜市藥荒村無處覓山泉燭花午夜真奇兆筆
草秋窗豈太玄萬籟不鳴人不寐起看明月落

前川

次韻芹谷兼呈郡伯諸大夫

春意滿庭芳草生
淮淝恩露若多情
一堂五馬文章貴
萬里孤臣去就輕
山郭絃歌如有約
鶯花藜杖喜相迎
江夫病卧驚搔首
望望棠陰眼

更明

出塞篇

長安有詔出東華
關外將軍聽白麻
出沒秦關連紫塞
驅馳漢馬淨胡沙
征西金鼓隨烽火
破

虜旌旗捲曙霞
捷入雁門天子喜
嫖姚功許勒天涯

過李太白祠

翰苑聲華垂宇宙
近臣丰采足雄豪
明光走馬天恩濶
太液題詩酒興高
老鶴松梢巢夜月
白雲峰頂坐江濤
漫論鯨甲歸銀漢
知是神仙返玉曹

婁月田送江梅一本未開

靈根分自野人家
醞藉春風未吐花
清淺溪橋

香欲近黃昏庭院月初華
燕脂入蒂新紅潤
翡翠凝苔細綠賒
標格更于何處好
草堂東畔一枝斜

壬子元日試筆

疎簾春色透晴窗
硯匣初開筆意香
病骨漸隨新帖爽
詩篇不減少年狂
五雲禮樂恩榮近
萬里鶯花點綴忙
見說太平天子好
漫憑簫鼓頌陶唐

無題

八月笙歌列鳳城
諸公聊此寄閒情
霏霏紫麝燒金鴨
裊裊紅粧出素屏
欲醉煙花今夕夢
莫論聲價此生輕
春風走馬長安道
千里襟懷爲汝傾

出山口過愛蘭軒張會川戚南川雷酌索
素娥詩謝不獲乃掃壁書之

路人巫山夕照殘
芙蓉花下倚瓊欄
高扶白燕衣輕練
細束銀蟬懶笑歡
雲母屏開秋月淡
水晶簾捲碧桃寒
吁嗟此日神仙會
瑤瑟沈沈夢

裏彈

雪

蕭蕭古木集昏鴉
軋軋水輪轉玉車
拂几細融琴研水
隔簾飛襯膽瓶花
剡溪夜度山陰棹
東郭寒生處士家
風笠板橋人送酒
旋搖詩艇問

漁父

三月十日得家報

風霾滿目愁難掃
家報從天喜欲狂
江燕入簾依舊館
海棠含雨試新妝
老妻移枕占花燭
稚

子抽書赴學堂
倭警不通兵馬靜
經春作客更何妨

東林寺

萬壑松聲古寺幽
觀風聊爾寄閒遊
齊梁殿閣開新靄
吳楚山河入暮秋
彭澤高懷慚俯仰
江州老語更風流
天池迥在煙霞外
扶醉還須到上頭

太平宮拈香

太平宮殿玉臺遙
絳節焚香設午朝
峰頂羸簫

歷代詩選 明陳作士
如遠近雲間笙鶴更飄颻
函關紫氣來青犢王
母瑤池降碧霄日下藤蘿仙侶散
便從華髮問
松喬

卽事

雲階玉宇落朱簾獸篆龍涎繞翠鈿
單袂未乾春霧重輕羅微露玉峰眠
芙蓉淺綻含秋水芍藥輕開帶曉煙
偶向陽臺仙境處春風花鳥自
年年

正月九日宿太平宮有十載京華之想

夢裏霓裳思灑然故宮松鶴自年年
玉麟高插青霄表石柱雙扶落日邊
啼鳥不堪山客聽風花偏稱洞房眠
吁嗟十載京華宴錦瑟銀箏第一
仙

次王主政鐘岩聞字韻

南湖舟下泊澌濱硯瓦諸峰插翠雲
漫扣石鐘成絕響更過松谷有餘芬
地逢好景山如畫江到中流水自分
多少神功疏鑿後兩岩贏得古今聞

武夷冲佑觀晚歸

偶來仙境問丹砂始信羣仙自一家
瑤草石壇俱往迹虹橋金屋付飛霞
仙人掌上長生露玉女釵頭不老花
吟望豈知山色暝滿天星斗照歸槎

石山公館

石山高處有人家迴合諸峰閣暮霞
雲薄九霄迷鳥道懸崖千仞綴鶯花
溪流曲折仙橋架樹影參差石逕斜
遙見碧桃橫小艇好從谷口問

胡麻

上洋公館次韻

丹巖青壁半仙家夾道蒼松鎖落霞
粉署晝梳玄鶴羽土牆晴放碧桃花
長橋雨過鯨鱗濕高竹風來鳳尾斜
好景不須耽癖句且隨窮谷問桑麻

寄哀之什挽徐東川

斷碑何處勒殘銘萬木秋聲一夢驚
南極星辰初失度東川山水舊逃名
清樽無復歌魚麗蘭

歷代詩選 明陳伯玉 卷五 十四
蕙何緣賽鹿鳴滿淚哀歌爲公灑空隨風雨巾
蓬瀛

江中望湖口懷沈龍洲

江月吳山冷江風楚客悲故人應咫尺雲樹正
依稀來鳳氣拾遺景不寒涼報日且語空谷問
之憐挽徐東川 秋果林外身蘇雨散離魂感高
一夜霜風凋玉芝水光山色不勝悲祇今文字
傳青簡何用空山一片碑
齊雲巖有香爐峰

齊雲勝境肇玄都雲裏芙蓉半有無最上天門
華日表紫霄峰外擁雲爐

美人揮扇爲張伴山題

雲階梧葉影離離簾捲重門晝欲遲鳳輦不來
春又去祇憑紈扇寄相思

杏園爲汪洪菴題扇

曲江清宴溢香風半醉仙郎氣似虹金馬欲嘶
春色好御樓東畔一枝紅

葛鳳山送龍研

歷代詩選 明陳伯玉
從來宣石壓端溪况復雕龍飲墨池坐對玄雲
飛素練明窗盡是憶君時

過芙蓉嶺

無爲舊是文明地燈火樓臺一萬家晚發肩輿
過山去秋風吹醒芙蓉花

入滁州與昌近泉觀察院

散髮時過御史衙江風吹盡楚天霞簾垂晝永
文書靜閒却臺階白鶴化

留洪英方丈

今日僧英卽惠休爐燒栢子寺門幽徐飛錫杖
藤蘿外別後在廬是舊遊

分水嶺

一凭高閣望煙霞分水山南百姓家連發肩輿
過山去晚風吹放臘梅花

仙人掌玉女鏡臺三峰次韻

仙人掌上削芙蓉玉女雲鬟綠鬢茸對客簪花
終杳靄不如移向鏡臺峰

石倉十二代詩選

明三集卷四十五

終

松杳霜不曉綠向黃臺新

山人

無名詩筆

前

嵐山去脚風如吹柳樹亦

一於高閣望數霜在木山南百城寒數無風興

夜夜水聲

集

今日節英明惠林巖巖淋子寺門幽斜飛綠林



書

